

ROMA

Paulo e miti kiŋaŋ mimic rahuc Korinti haeo mocwâc fisiwec. Erâ ira juhuc Romanjic jaŋere papia qârenkewec. Roma haeo miti njic njokac jumbiŋ jaŋere fuŋne mi mana-hâmonjgopeneŋ. Paulo e jahacne me aposolo moczi hae ira mi fisihame jumbiŋ. Irec šiŋuc muzo: Jerusalem haeonec miti njic njokac omanezi Roma haeo ra juhuc miti miczi muhapie hae irecnec njic gâcnezi manarâ Jesure biŋefâc embiŋ. Mâro wahawec dameŋ ira Judanjiczi Romanjic ekicne jaŋeraonec gâcnezi mâmâc Jerusalem haeo tumaŋnembij (Aposolo 2:10). Ehuc wiac šâŋe furu honembij â Petorore miti manambiŋ. Erâ wâc šâhecko Jerusalem haeo mitire šika kâpâcwâru fuame miti njic njokac jaŋe râwiŋ qâwiŋnerâ hae sâc rafârembij (Aposolo 8:1 â 11:19). Eme jaŋeraonec gâcnezi raku Roma haeo fisimbij wâc mecne. Njic njokac iŋucnezi hâcne Roma haeo Jesure binaj bahuc njic njokac jazapie irecnec gâcnezi mana šakiembij. Eme jaŋerao hâcne Paulozi papia qârenkerâ râeme rawec.

Paulo e hae mâreŋ gâcne rârecke-fâreku Korinti haeo njehuc šiŋuc muwec Njicfâc-nane hae sâc jaŋe Jerusalem haeonec miti njic njokac jaŋere monerâ baturembij i Jerusalem haeo bararâ mocwâc risie warerâ Roma haeo rapemu. Eme hae irecnec miti njic njokac jaŋe nenjoc nesij nenarehapie Sipei mârenko miti kiŋaŋ rapemu (Roma 15:28). Roma haeo Paulo gie-ticnaonec opâ ruac 26 jumbij

janjere šâŋe râe-fârewec (Roma 16:1-16). Gâcne sâko ine mi manac-jopawec. Papia-ticne ŋokac moc šâŋene Foiibe e râcneme Roma haeo barawec.

Erâ Paulo e Roma haeonec miti ŋic ŋokac šâfo bajareocte irec sawa papia mi râe-jarewec. E mitire fuŋne mutâcne-jareocte irec mâmâc man-asurâ papia râe-jarewec. Ine fuŋne šinucte: Roma haeo Judaŋiczi opâ ruac â qâpuczi opâ ruac mâmâc jumbiŋ. Eme Judaŋic opâ ruac jaŋe miti raŋqanao sâcmutâc dâŋ fokac i reŋkehuc irec manapie fârine wâc ewec. Ehuc mumbiŋ: I Wofuŋdâŋ jaha irec i mâmâc reŋkehuc biankerâ sambânko fezo. Inuc mupie qâpuczi opâ ruac Paulore miti gieonec rakicne â gâcne jaŋe dâŋ irec manapie mi sâckeme qatarambiŋ. Irec dâŋjenic fâfâuc ejujec â gâcnezi maŋjahec embiŋ. Erâ wâc hombaŋ â wiac gâcne sâcti qâtiri râe rambiŋ. Moc ine qâpuckonec opâ ruac jaŋe Judaŋic jaŋere manapie wawahane ewec. Ine šinuc muhuc mana-jarepie sâqorewec: Jaŋe hâcne Jesu qambin erâ wâc damaŋ šinuczia neŋgozne sâko maŋsanaŋ ehuc Jesure miti qikiŋneŋgopien irec Wofuŋzi behec-jopaocmu. Mupie Judaŋic opâ ruac gâcne jaŋe mumbiŋ: Macne Wofuŋzi bafic-nâpooocmu nâŋe fuŋfuŋfâcne. Dâŋ sisifucne inuc fowecte Paulozi mitire fuŋne jâmbâŋ ritu-jarewec. Ehuc sâcmutâc dâŋte â mamasinŋte â mitio tiŋke bian ee irec dâŋ bâutuckehuc qâreŋke-jarewec. Eme Judaŋic â qâpuc guru Anutuzi weniŋuc mana-jareme fokac i wâc mufua-jarewec. Erâ wâc dâŋ gâcne šuhuckewec. Miti fuŋqizecne kecšinuc qâreŋkewec: Mosere sâcmutâc dâŋ reŋkehuc bib-

ianke i mi fokac Jesu manasiñkehuc bibianke i mocjaha fokac. Sâcmutâc dân bajuhuc kiñ mi hefâsâezo Jesurao roweckehuc kiñ hefâsâezo. Irec Paulozi Romanjic qârenke-jarewec i dân fâri hândân â bubianj dân jâmbân.

Romanjic janjere papia dân nenjocne sâko jahec â moc fokac:

1. Jesu Kristo manasiñkehuc kiñ hefâsâezo. Ine gañ 1-8 irec mañnao.
2. Judanjic me qâpuc Kristo-nâñec mocjaha. Gañ 9-11.
3. Mañzi roroc ehuc Wofunje erâ juzo. Gañ 12-16.

Paulo gie ticnere funje

¹ Paulo no Jesu Kristozi kiñan qaqa-ticne bacnurâ aposolo-ticne mucnuhuc Anuture Binëbian râepe qarenko raocte rowosâecnuwec. ² Miti i hâcne fuaocte Anutuzi mârâc jaha porofete ejareme irec findandân tiri papiao qârenkeminj. ³ Qârenkepie Nokâ-ticnerao iticnewec. E sahachec fufua i Dawidi qâricfâc-ticne janjeraonec fuawec, ⁴ erâ e mañqaqac bâbâfua Mârohec jujuzi Anuture Nokâ jukac, irec funje hâmokonec faharewecko fua taniñke-jâmbânkewec. ⁵ Jesu Kristo e Wofun-nâñeczi aki anonoc enarehuc aposolo gie tahacnuwec. Ehuc mârenj sâc ñic miti jazepe mana rerenj epie Jesure sâñe binje raocte munarewec. ⁶ Eme ñoñe janjere âgofâc jaha, Jesu Kristore ñicfâc eninje hefârec-ñopakicne, irec gie i ñoñerao inuc jaha bapere munarewec. ⁷ Roma haonec Anuture jorofâc, tirinje mucñopakicne,

ņoņere hâcne papia ši qâreņķekopac. Mamac-nâņec Anutu â Wofuņ Jesu Kristo eraonec aki anonoc â wama ņoņerao fotâcnerâ fozejec.

Paulozi Roma haeo miti mamana iqic-jopaocte muwec

⁸ Miti babaju-ņeņicte mâreņ sâc manapie bianķekacte qanaņ ņoņere erâ danģe mupe Jesu Kristorao qarâ Anutu-nanerao fotâcnekac. ⁹ No ņokâ-ticnere Biņebianġ muhuc maņņanezi Anutu kiņaņ qacnepe fuņne-nane manakacte ere maio dâņ ši mupe mananiņ: ¹⁰ No numucneekopac sâc ņoņere mâmâc hati manasuekopac, ehuc Anutu maname sâckeme hata bâfua-nareme ņoņerao fâpemurâ âzâcneekopac. ¹¹ No ņoņe honec-ņopapere enareekac. Ehuc fârâ maņģe bâmec moc baņarepe qiņ herâ juniņģte muekopac. ¹² Me kecšiuģ mupe: No ņoņerao fâpe mamasasiņģe fârine nowac gowatuņ ehuc keketeņ enšepeneņ. ¹³ Erâ âģofâc-nane, fuņne-nane kâuc banšipiņģe šiņuc ņazape: No ņicģuru ģâcne jaņerao eekkopac iņuc jaha ņoņerao fârâ miti ģiere fârine piticne bâfuapemurâ hati muekopac. Erâ fâzo mupe sâc wiac ģâcnezi niņģiņģume juekopac. ¹⁴ Noni ņic kosa. Ģriķņic â kâģe sanaņ, mamanahec â mutucne mâmâc mitizi tofa bazu-jarepemurâ munareķicne. ¹⁵ Irec Romanģic ņoņe iņuc jaha Biņebianġ ņazapemurâ maņņanezi afeckeekopac.

Mamasasiņģe erâ juju hotâcģezo

¹⁶ No Biņebianģte manape mimi ģaņģaņģehec mi eekac, i Anuture tâpiriheģ, ireģ mana sakac eniņģmu sâc bâpianģ-jopaocģmu, Ģudaņģic hâcne,

erâ Griķņic māmâc. ¹⁷ Biņebianķko hâcne Anuture tiņne fua taniņkeekac, i hâcne eki manasiņhec jaņe tahac-jopaekac, ehame manasiņko utuckeniņmu. Dâņqâreņ ŝiņuc hâcne fokac: “Bianķekicnezi mamasasiņte erâ juju hotâckeocmu.”

Ņic jaņe Anutu-jenĳic beherâ dapâcko rašimbiņ

¹⁸ Ņiczi ine Anutu qamaserâ sindaņ ehuc kike hata-ticne hesifuckeenĳopieņte kimbenĳ ticnezi sambânķkonec fua taniņkeekac. ¹⁹ Anuture fuņne gâcne ųiczi mamananane i manaenĳopieņ, Anutu jahac bataniņķe-jarewec. ²⁰ Anutu e ųiczi mi hohonene, â mâreņ bâfuahuc ine wiac fuņne fuņne râewec izi tâpiri sanaņ-ticne â qâreņ-ticne bataniņķeme sâcne hone mana tarac eenĳopieņ. Irec ųic gâcne jaņe wemocko kâuc bahuc sahac ųeņezic dâņ muniņmu. ²¹ Jaņe ine Anutu jukac i mana-bipiehuc mi jukac-tinac eha araņ mi bacnembĳiņ â mucne bacne mi ecnembĳiņ, aricne. Jaņe mumusifuc fuņne fuņne bâfuahuc maņmutuc epie dapâczi foņjopawec. ²² Ehuc nâņe mamanahec juņĳopeneņ muhuc sâke bâbâc eku maņmutuc embĳiņ. ²³ Inĳuc ejareme jaņe Anutu juju hati e araņ mi bacnehuc ųic â wipe â qowi â homa, wiac sisirowene hâcne irec qâņ qâqâtâc barâ araņ bacnembĳiņ.

Ņic jaņe Anutu beherâ mamakâc embĳiņ

²⁴ Inĳuc epie Anutuzi hone sunĳiņ ejareme maņzi sasec kosa hurerâ mamakâc ehuc maņ saħac-jenĳic bâsâqorembĳiņ. ²⁵ Jaņe Anutu jâmbomac rune râpeckerâ burec maickembĳiņ.

Ehuc ru bâbâfua-Jeņic qikiņnerâ wiac bâfuakicne araņ bacnehuc kiņaņ qacnembiņ. Wiac bâfua-fârewec e mumutenĵheczi mumutenĵhec jurašihuc jume sâckeocmu. Jâmbomac. ²⁶ Ņic jaņe e hâcne râpeckembiņte sunĵiņ-jopame sasec sâqocne jâmbâņ bâfuambiņ. Ehuc ņokac jaņe Anutuzi hata muwec i qâsorierâ mi jujuo rambiņ. ²⁷ Á ņic jaņe iņuc jaha ņowe ņonâņ juju qikiņnerâ maņĵeņicko sasecte šocsâko šame jaņe jaņackoaņ mamakâc fuņmoc bâfuambiņ. Erâ bâbâsifuc-jeņicte okacne maņ saħac sisipiric rombiņ. ²⁸ Jaņe Anuture fuņne mana-bipiehuc enšaņauc ecnepie sunĵiņ-jopame maņĵeņic bâzickeme wiac mi eene i hâcne embiņ. ²⁹ Ehuc wiac hehesicne fuņne fuņne hurepie fewec, sindaņ, andac, rânĵeņe, erâ maņĵeņicko iinĵuun â šika â rârâsi â eeatuc, erâ gibioc izi fusucmakicne. ³⁰ Jaņe gupe bapa, micko âkec ņic, Anutu kisâ eecne, šaubacne, pepecne, saħac mumuteņ, sâqocnere hata bâbâfua, neņĵoc mamac dâņ qaqatara, ³¹ maņ mamasu tâmiric juju, doc bapa, uruc jaun tâmiric juju. ³² Wiac iņucne ehuc sipirickezo, Anuture micdâņ iņuc fokac i mana-bipiehuc sifu eenĵopieņ, erâ i sawa mâcne, ģâcnezi epie hume keteņ ejareeņĵopieņ wâc.

2

Juku bianĵe â sâqocne irec furine rozo

¹ Irece ņic go wemocko fuņnege murârâņnecmu? Ņic ģâcnezi bahac bâfuapie mana sâqore-jarehuc ģahacne fuņne bataniņkeekic hâcne. Mana sâqore-jareekomec, go ijaha hâcne

eekomec ij ² Eme Anutuzi njic injuc eenngopien jaņe okacne bazu-jareme sâcke-hâmoekac injuc mananngopenen. ³ Njic go gâcne jaņere dânbahac muhuc ijaha eekic, ehuc “no Anutuzi akicnuocmu” injuc mu wiac moc ezic inej ⁴ Me Wofunzi buuruc â wama ruaine sâc fekiecne egarehuc akicguhuc jume go wemocte manatâc qatakic ehuc juekic? Go maņge bârisiecmurâ Anutuzi buuruc egareekac i mi mana taraekic me? ⁵ Go maņsanaņ erâ maņge mi bârisiehuc šocfiki bafeku seronj batec šoc šaza damenjo Anuture mumutara dân fârine fua taniņkeme šâhâmocguocmu. ⁶ Anutuzi njic eebapa-nâņecte sâc furine nârezokac hâcne. ⁷ Njic eehâmo gie paņšâic bahuc eri tatamac â juju saric bâfuaniņte samarieniņmu jaņe juju sanaņ jarezokac. ⁸ Njic rângeņne dân fâri qizecne bâsuehuc wiac hehesicne bajuniņmu jaņerao ine wiac šâšâicne â mimicne bâfuaoocmu. ⁹ Sâqocne bapa sasawa, Judaņic hâcne â Grikņic mâmâc, jaņe šâic sererenj â hâhâwic sâko fua-jareocmu. ¹⁰ Tiņne Juniņmu sasawa, Judaņic hâcne â Grikņic mâmâc, jaņe eri tatamac â wama fua-jareocmu. ¹¹ Anutu e ra rowec ware rowec mi focnekac.

Sâmutâc dân i maņnâņecko qâreņkekicne

¹² Njic sâcmutâc dân tâmiric juhuc sâqocne baengopien jaņe sasawa sâcmutâc dân tâmiric jaha sipirickeniņmu. Á sâcmutâc dânhec juhuc sâqocne baengopien jaņe sasawa Anutuzi sâcmutâc dânte sâcko dânjenic mutara-jareocmu. ¹³ Sâcmutâc dân mâc hazeczi mananiņmu jaņe Anutuzi honec-jopame tiņne

mi engopien, manarâ renkeengopien jaŋe ine tiŋne mujareocmu. ¹⁴ Nïc qâpuc sâcmutâc dâŋ mi mufua-jarekicne jaŋe manjenicte sâcmutâc dâŋ renkehuc ine sâcmutâc dâŋ tâmiriczi sâcmutâc dâŋhec tinac eengopien. ¹⁵ Inuc epie sâcmutâc dâŋ i manjenicko qârenkekecne, irec fuŋne jaŋgenkeekac. Sâcmutâc dâŋ manjenicko qârenkekecnere manjeniczi tutuc qajareekac, erâ wâc maŋ mamasu-jeniczi foc forisic ehuc ŋifec mu qatarac eekac â ŋifec mu bâmiriŋ eekac. ¹⁶ I dameŋ sâkore inuc eekac. Ira Anutuzi Jesu Kristo ecneme maŋnâŋecko wiac soŋsoŋ fokac irec fuŋne bataniŋkeocmu. No Biŋebian muekopac irec sâcko bataniŋkeocmu hâcne.

Miti i sahaŋci babajune mi ekac

¹⁷ Go sâŋege Judaniŋ muhuc sâcmutâc dâŋzi ronŋâŋ egareme herâ foekic. Erâ no Anuture fuŋne manakopac muhuc sahaŋc fefe juekic. ¹⁸ Go Anuture micdâŋ manaekic, erâ sâcmutâc dâŋ qazu-garekicnere keci ezo, keci mi ezo i mana wosâeekic. ¹⁹ Ehuc gahacnere ŝinuc muekic: “No tiŋtuŋ sâcne jowa qataŋ ejarepemu, â dapâcko juŋgopien jaŋe sâcne batamae-jarepemu, ²⁰ â ŋic maŋpurinhec jaŋe sâcne jaza bâtiŋ ejarepemu, â qiemaŋ jaŋe wiac sâcne qazu-jarepemu. No sâcmutâc dâŋhecte mama â dâŋfâri irec wamboŋne rauckerâ jukopac i.” ²¹ Go inuc muekiczi ŋic gâcne miti qazu-jarehuc gahacne maŋ mi qazucneekic. Go ŋic fiuc mi ronšepien jazahuc gahac fiuc roekic. ²² Njowe ŋonâŋ ŋohe bebehec mi ezepirec jazahuc gahac ŋonâŋge beheekic. Go nemuqâŋ sureekiczi

nemu ufunte wiac fiuc roekic. ²³ Go sâcmutâc dânte manasuhuc mañfefe eekiczi sâcmutâc dân qâsuahuc Anutu gâc hecneekic. ²⁴ Irec hâcne kecşinuc qâreñkekicne: “Qâpuc jañe ñoñere kiñte erâ Anuture şâñe musoriñkeengopieñ.”

Mârore ma ñicmañko fome fârine muzo

²⁵ Go sahacgao Anuture ma bakicne i sâcmutâc dân reñketec fârinehec eocmu. Me sâcmutâc dân qataratec sahacgao ma izi fârimâc eocmu. ²⁶ Erâ dân irec ñifecne qac qârisic fokac wâc. Ñic moc ma tâmiriczi sâcmutâc dân reñkeocmuo mahec tinac eocmu. ²⁷ Ehuc ma tâmiric fuarâ juekaczi sâcmutâc dânte gie baocmu eki ine fuñnege rituocmu, miti papia â mahec juhuc sâcmutâc dân qâsuæekic gore fuñne hâcne rituocmu. ²⁸ Moc e mâc sahaczi Judañic hawari eocmu â sahacko sawa mahec juocmu, inucnezi Judañic fârine mi eocmu. ²⁹ Mañzi Judañic izi fârine. Á sahacko sâcmutâc dânte ma rojuju i mâcne, mañko Mârore ma rojuju izi fârine. Ñic inucnere ñiczi mâcne, Anutuzi maname biankeocmu.

3

Hehesic-nâñeczi Anuture dân mi bawahaocmu

¹ Hâc, eme Judañic jañe qâpuc jañehhec sâc mocjaha engopieñ, â sahacko ma i wiac racne me? ² Inuc aricne. Judañic jañe wiac bocjaha tahac-jopakicne. Jañe hâcne Anutuzi biñedân fuñne fuñne jazame irec rune embiñ. ³ Eme weninuc? Judañic gâcne jañe dânte wonec juku pârâckembiñte şinuc muzo me? “Dodocke-jeñiczi

Anutu mume sasanaŋ-ticne bawahaocmu.” ⁴ I aric kereŋne; Anutu e buc mume sasanaŋ â ñic ine mumu dodocne, iñuc muzo. Miti qâreŋ moc šiñuc hâcne fokac: “Go mumu-tiŋgezi dâñfâri eocmu, â mumutaragezi qaqaçne eocmu.” ⁵ Eme hehesic-nâñeczi Anutu tiñneticnere fuñne bajaŋgeŋkekacte weniñuc muzo? šiñuc muzo me? “Fuñne iñuc fokacte Anutuzi irec okacne nâreme mi sâckeocmu.” (Dâñ i ñic mamanaŋe sâcko mukopac. (c) ⁶ I aric kereŋne; Anutu e hehesic-nâñecte okacne nâreme sâckeocmu. Mâc muzac wemocko mâreññic ŧeŋgoma dâñnâñec sâcne mutarazac. ⁷ Eme ñifec ine burecdâñ-nanezi Anuture dâñfâri dopeckeme ŧâñe biñe-ticne irec erâ fekacko wemocte sifu no wâc sâqocne bapa munarehuc okacne nareekac? ⁸ Erâ wemocte šiñuc mi muengopeneŋ: “Sâqocne bapene ñerisierâ fârine biañne fuaoc me.” Nâñe iñuc muengopeneŋ munârehuc micko âkec enâreeŋgopieŋ hâcne. Dâñ iñucne muhuc hata i âteeŋgopieŋ jañe okacne fua-jareme sâckeocmu.

Ñic mâmâc sasawa qâsoriekicne

⁹ Eme weniñuc? Judañiczi ñic gâcne jowarurâ sâc moc juŋgopeneŋ me? I aricne jâmbâñ. Biac mumbeneŋ, Judañic â Grikiñic nânâc mâmâc sâqocnere kiñaŋ qaengopeneŋ. ¹⁰ Dâñqâreŋ moc šiñuc hâcne fokac:

“Ñic moczi tiñne moc mi jukac, aric qaqaçne;

¹¹ moczi mamanahec moc mi jukac,

moczi Anutu wira basac mi ecneekac.

¹² Jañe qâsoriekicne sasawa,

šengoma repirembiņ;
 moczi moc wiac bianņe mi eekac,
 arictac jâmbâņ.

¹³ Marac-jeņic i hâmoc qâņqâņ bâbâfua,
 namer-jeņic forisieme eatuc dâņ wefuekac,
 qotâ marasiņ kisonņerâ juengopieņ.

¹⁴ Bipic-jeņic sâwec â aaric dâņte gegerockeekac.

¹⁵ Žikare kike afec juengopieņ.

¹⁶ Ima samaki bahuc tuhu bâfuængopieņ.

¹⁷ Wamare hata ine kâuc baengopieņ.

¹⁸ Á šâņe mai-jeņicko Anuture hâhâwic mi fokac.”

¹⁹ Nâņâc širuc manaengopeneņ: Sâcmutâc dâņ i dâņ rune nâņe nazakicne. I ņic sasawa fuņne-nâņec rituhuc micnâņec qâtâošte ekicne. Eme ņic mâmâc sasawa kiņnâņec Anuturao fua-fârekac.

²⁰ Sâcmutâc dâņte erâ kiņ nânâwoc ro i Anuturao moc mi fokac. Sâcmutâc dâņzi sindaņ-nâņec bataniņkeekac hâcne.

Jesu taha-nâņec bawecte e manasiņkehuc kiņ tâmiric ezo

²¹ Eme irec sâcmutâc dâņ fohame Anutuzi tiņne-ticne fua taniņkeošte hatane moc bâfuawec fokac, hata i sâcmutâc dâņqâhâcko â porofete jaņerao wâc biņedâņ-ticne mu qâreņ ekicne.

²² Jesu Kristo manasiņkehuc kiņfâsâc erâ juju, hata i hâcne mamasasiņhec sasawa jaņere biņe ekac. Fuņne-nâņec bârâwiņ mi fokac, ²³ Nâņâc mâmâc sasawa sâqorebeņte Anuture eri tata-macko fifisinere sâc mi engopeneņ. ²⁴ Ehame Kristo Jesu e kiwiric-nâņec rowecte Anutuzi aki anonoc-ticnere erâ kiņfâsâc bacnâpoekac. ²⁵ Eki mume Jesu e socticnezi sâqocne-nâņecte erâ

taha bawec, eme e manasiņkeniņmuzi taha i biņeckeniņmu. Sâqocne ewarehuc jukicne irec kiņ i Anutuzi buuruc-ticnere râeme fowarehuc juwecte Jesu hâmocko râewecko tiņnere fuņne bataniņkewec. ²⁶ E tiņnere rune juekac, â Jesu manasiņkeniņmu jaņe kiņfâsâc bacjopaekac, irec fuņne damenį šiņuczia taniņkeocte iņuc hâcne ewec.

Mamanasiņte erâ kiņfâsâc fuazo

²⁷ Eme mumuteņ-nâņec moc fokac me? Aricne, mumuteņ-nâņec hetâtiekiecne. Wemozi hetâtiewec? Eehâmo giere hatazi me? Aricne, mamanasinįte hatazi. ²⁸ Irec dâņ šiņuc manapene fozejec: Niç nâņâc sâcmutâc dâņ rerenķere mâcne, mamanasinįte erâ kiņfâsâc fuaenįopenenį. ²⁹ Me Anutu e Judaniç nâņere Anutu sawa, qâpuc jaņere aricne? Iņuc mâcne, e qâpuc jaņere Anutu jaha wâc. ³⁰ E Anutu-nâņec mocjaha jukaczi hâcne Judaniç â qâpuc mâmâc mamanasinį-nâņecte erâ kiņfâsâc bacnâpoekac. ³¹ Eme iņuc muhuc mamanasinįte erâ sâcmutâc dâņ hetâtienįopenenį me? Aric kerenįne, sâcmutâc dâņ hešakienįopenenį.

4

Abraham â Dawidi jahe Anutu manasiņkepire kiņjekic behewec

¹ Eme sahackopec mimiņne-nâņec Abraham e wemo bâfuawec munaņmu? ² E jahacne eehâmo giere erâ kiņticne hefâsâewecko ropanį sâcne focnezac. Erâ Anuture maio ine arictâc. ³ Miti

papiao dâŋ ŝiŋuc fokac i: “Abraham e Anutu manasiŋkeme irec erâ maname kiŋticne tarawec.”

⁴ Moc e gie bame furime râcnepene izi katucmâc rârâcne mi ekac, tofa babazucne ekac. ⁵ Á moc e ine eehâmo gie mi bapa, sâqocne bapa kiŋjenjic beheekac e manasiŋkeocmu, eme Anutuzi ere hâcne mamasasiŋ-ticnere erâ maname kiŋfâsâc eocmu. ⁶ Dawidi e iŋuc jaha Anutuzi ŋic moc eehamo gie mi baha, akickehuc kiŋ behecnecocmu ere mu ŝeri ehuc kecŝiŋuc qâreŋkewec:

⁷ “Bahac-jeŋjic behekicne,
â sâqocne-jeŋjic bâtâmirekicne,
jaŋere manape ŝerine ekac;

⁸ ŋic moc Wofuŋzi manacneme kiŋhec mi eekac,
ere manape ŝerine ekac.”

Abrahamzi micne bapa-nâŋec ewec

⁹ Muŝeri dâŋ kecŝi i mahec nâŋere biŋe sawa ekac me ma tâmiric jaŋere mâmâc ekac? Abrahamte ŝiŋuc manaenġopenenġ: E Anutuzi mamasasiŋ-ticnere erâ kiŋ behecnecwec. ¹⁰ Mo damenġko behecnecwec, mahec juhame me ma tâmitric juhame behecnecwec? Mahec mâcne, ma tâmiric juhame behecnecwec. ¹¹ E ma tâmiric juhuc Anutu manasiŋkeme kiŋticne behecnecwec irec maqâreŋ ŝâhec râecwec. Eme Abraham e iŋuc ehuc ine ma tâmiric jaŋe Anutu manasiŋkehuc kiŋfâsâc eenġopienġ jaŋere micne ewec. ¹² Erâ mahec nâŋere micne bapa wâc ewec, erâ mahecte sawa mâcne, e ma tâmiric juhuc mamasasiŋte kike hata âtewec, hata ijaha mimiŋ qâjâpec âtehuc Abraham micne bapa-nâŋec mucnepene sâckeocmu.

13 Anutuzi Abraham â qâricfâc-ticne mârenj sâko mârenj biñe qajarewec, i sâcmutâc dân rerenje erâ mânne, mamasaniñ-ticnere erâ kiñticne behehuc iñuc ecnewec. 14 Eme biñe qajarekicne hâcne i sâcmutâc dân rune janere ezac muzac, ine mamasaniñzi wiac jawane ezac â mitio biñedân feñec-nâpokicne i fârimâc ezac. 15 Sâcmutâc dânzi kiñte okacne fai-nâñecko râeekac. Sâcmutâc dân tâmiricko ine qaqatara mi fuaekac. 16 Irec hâcne wiac biñe qanarekicne i mamasaniñte erâ fuaocmu. Wemocte? I aki anonoczi feñenj râecneme Abrahamte qâricfâc sasawa nâñâcnao sanañkeocte. Sâcmutâc dânko roweckembiñ janje sawa mânne, Abrahamzi mamasaniñ hata âtewec ijaha âteenjgopenen nâñâcnao mâmâc. Eki hâcne Anuture maio apa wirec-nâñec ekac. 17 Dânqârenj šiñuc hâcne fokac: “Noni go ñic gurune gurune janere mamac ecmurâ mugarepo.” Abraham e ine Anutu manasiñkehuc šiñuc manapankewec: “E hâmoc qâñqâñ bâqârezo murâ bâqâreocmu â wiac mi fokac i mume fuaocmu.”

Abraham mamasaniñ fekicne focnewec

18 E ñicguru bocjaha janere mamac ezokac, dân i mana hamenke-bipiehuc sifu irec mamanc juwec, šiñuc âzâcnekicnere: “Qâricfâcge iñuc fuanşonjopienj.” 19 Erâ wâc e jara-ticne 100 bazukicnezi e jahacne sa hac bâmuzuckekicne â Sarare sa hac kerenjekicne i hone-bipiehuc mamasaniñ-ticne sifu mi ñenjoronkewec. 20 Anutuzi biñedân âzâcnewec i maname fârimâc mi ewec, ehuc mamasaniñte sanañkerâ Anuture maname

fekicne sâko ehame šinuc muhuc mana utuckewec: ²¹ Anutu e wiac mocte biņe qaocmu i fârine sâcne bâfuaocmu. ²² Irec Abraham e mamasinġ focnewecte Anutuzi ere maname kinġfâsâc ewec.

²³ Anutuzi maname kinġfâsâc ewec, dâġ i Abrahamte sawa mi qâreġkekicne, nâġâcnere wâc mâmâc. ²⁴ Wofuġ-nâġec Jesu hâmockonec bâqârewec Anutu hâcne e manasinġkepene nâġâcnere inġuc jaha maname kinġfâsâc enaġmu. ²⁵ Jesu hâcne kinġbahac-nâġecte erâ hâmocko râekicne, erâ wâc kinġfâsâc enaġte hâmockonec bâqârekicne.

5

Jesuzi wama bâfua-nârewecte mu šeri ezo

¹ Nâġâc mamasinġte erâ kinġfâsâc embenġe Jesu Kistorao qohotahuc Anuture wamao ġuġgopenenġ. ² Jesu ekizia motâc ronârewecte akio ġuġgopenenġ wâc. Erâ juku Anuture huriri qâreġ fua tâcneme hone šiziwenanġmu irec mamac juhuc mu šeri eenġgopenenġ. ³ Erâ i sawa mâcne, hume sererenġ ġujure wâc mu šeri eenġgopenenġ, ehuc šinuc manaenġgopenenġ: Hume sererenġ ġujuzi maġuruc bâfuaekac, ⁴ maġuruczi sasananġ bâfuaekac, sasananġzi sambânġte woworic bâfuaekac. ⁵ Sambânġte woworic ġuocmuzi ine mi qurutuaocmu. Tiri Mâro nârekicne eki Anuture maġjaunġ maġnâġecko qoġġinġkewecte mi qurutuananġmu. ⁶ Kristo e ġic nâġâc hânġ qa otec qa ehuc ġuhapene damenġ-ticne maickeme sâqocne bapa nâġâcne okacne hâmowec. ⁷ ġic tinġne mocte erâ hâhâmo i ġic nâġâcnâo mi mecne

fokac, mâc ñic bianne mocte erâ hâhâmo ine fufuane mecne. ⁸ Anutu eki ine, sâqocne bâfuahuc bunao bahuc juhapene manjaun-ticne bâfuahuc mume Kristozi okac-nâñec hâmowec. ⁹ Eme ši socticnere erâ kinfâsâc embenje okac damenjo roron sasapec sâcne enâre-jâmbânkeocmu. ¹⁰ Nâñac Anutu râsi ecnehuc juhapene ñokâ-ticnere hâmocte erâ mirin bacnâpowec. Eme ši mirin bacnâpowecko juju-ticnere erâ sâcne juju saricko râec-nâpo-jâmbânkeocmu. ¹¹ Erâ i sawa mâcne, Wofun-nâñec Jesu Kristozi aki bâfuahuc Anutuhec baturec-nâpowecte Anutu hâcne mu šeri ecneenjoopenen.

Jesure uruc jaunzi sâqocne-nâñec forârâñnewec

¹² Irec šinuc mananañ: Ñic mocjahare erâ sâqocne mârenjo fuawec, â sâqocnere erâ hâmoc fuawec, ehuc ñic sasawa jañerao fotâcnewec. Inuc fuame ñic sasawa sâqore-fârembin. ¹³ Sâcmutâc dân mi fuahame sâqocnezi qanañ luarâ fowec. Erâ sâcmutâc dân arictacte mâc forâ fowefuwec. ¹⁴ Ehame hâmoczi Adamtao funkerâ ñic juwefumbin jañe ñicbomboñ ejare warehuc juhame Mose fuawec, ine dân qâhuckehuc Adamte sâc mi bâfuambin jañerao wâc sifu fotâcnewec. Adam e hâcne hâmocte micne bapa ehuctecne, šâhecko jujure micne bapa fuaocte mukicne ere sâsâcne ewec.

¹⁵ Aki anonoczi ine dân qağare sâc mi ekac. Ñic mocjaha dân qağa-ticnere bocjahazi hâmo sipiric embin. Ehame Anuture uruc jaun i ine ñic mocjaha Jesu Kristo ere aki anonocte erâ, Adamte dân qağa sirickehuc, ñic bocjaha tahac-nâpokicne

16 Njifec aki anonoc â njifec njic mocjaha dân qaqa-ticnere fârine jahe sâcjekic bârâwiņ. Njic mocjahare bahaczi hârâcte mumutara bâfuawec, aki anonoczi ine bahac bocjaha qofackehuc kinfâsâc bâfuawec. 17 Njic mocjaha dân qaqa-ticnere erâ hâmoczi njicbomboņ ewec, ehame ine aki anonoc fofodunduj â kinfâsâc katucmâc fufua i ro maņ eengopenenji ine njic mocjaha Jesu Kristo ere erâ juju sananjo njicbomboņ ejâmbânkerâ junaņmu.

Adamzi hâmoc bâfuawec â Jesuzi juju bâfuawec

18 Irec šiņuc: Njic mocjahazi dân qaqa bâfuame njic mâmâc sasawa hârâcte biņe emben, iņuc jaha njic mocjaha tiņne jume kinfâsâc ehuc juju biņecke-fâremben. 19 Njic mocjahare qaqatarare bocjahazi sâqoremben, iņuc jaha njic mocjahare dânrerenje bocjahazi biankenanmu. 20 Sâcmutâc dân e ine sâqocnezi qârânkeocte nondenao rašiwec. Eme sâqocnezi fua fehame aki anonoczi sirickehuc meckecnewec. 21 Fârine šiņuc fuaocte: Sâqocnezi hâmocte uucmanjo njicbomboņ ewec jukac, iņuc jaha aki anonoczi njicbomboņ erâ kinfâsâc bacnâpohuc juju sananjo râec-nâpozejec. I Jesu Kristo Wofuņ-nâņec ere erâ iņuc fuazejec.

6

Miti Opâ ruahuc sâqocnere hâmomben

1 Eme weninuc muzo? Sâqocnere gie bahuc jaha jupene aki anonoczi fua qârânkehuc sirickezejec, iņuc muzo me? 2 Iņuc misac; Sâqocne hâmocnembenji wemocko irec maņnao šuhuckerâ junaņmu? 3 Me kecšiņuc mi

manaŋgopien? Miti Opâ ruahuc Jesu Kristorao šuhuckembenzi hâmoc-ticnao ŋeutuckemben. ⁴ Ine hâcne, nâŋâc Miti Opâ ruahuc Kristohec mâmâc hâmo duduc ekicne, eme Mamac eri tatamac-ticnezi Kristo bâqâreme hâmockonec faharewec jukac, iŋuc jaha nâŋâc qârerâ juju qâri moc junšepeneŋ. ⁵ Nâŋâc hâmoc-ticnere hawari ehuc erao šuhuckembeŋte fafahare-ticnao sâc i jaha ehuc šuhuckenam. ⁶ 3iŋuc manaŋgopeneŋ: Maŋraŋqa-nâŋec Jesuhec mâmâc mariponko qakicne, i maŋsahac-nâŋecko sâqocnere tâpiri ŋeŋgoronkeocte â sâqocnere kiŋaŋ mocwâc mi qanaŋte. ⁷ Moc e hâmome sâqocnere niŋgiŋ ŋetaracneocmu. ⁸ Kristohec hâmombenjo ine ehuc wâc junaŋmu, iŋuc manapaŋkenam. ⁹ Kristore manaŋgopeneŋ, e hâmockonec fahareweczi mocwâc mi hâmoocmu, hâmoczi ŋicbomboŋ mocwâc mi ecneocmu. ¹⁰ Hâmowec i sâqocnere arec mocjaha hâmome tarawec eme ši jukac i Anuture erâ jukac. ¹¹ Eme ŋoŋe iŋuc jaha ŋaŋacnere manapie sâqocne hâmocnemiŋ ehuc Jesu Kristo ehuc Anutu jucneŋgopien ezejec.

Sâqocnere kiŋaŋ mi qazo

¹² Sâqocnezi sahad-ŋeŋic sisirowenao ŋicbomboŋ eŋarezo mume mi manacnenšepien, â sahad-ŋeŋiczi sasecte suruc-ŋopame i wâc mi manacnenšepien. ¹³ Erâ wâc me sahad-ŋeŋic i hehesicte mi qikiŋnemie sâqocnere kiŋaŋ qazejec. Aricne, ŋoŋe hâmockonec bâqârec-ŋopakicnezi Anuture gieo rašinšepien, ehuc mesahac-ŋeŋic Anuture qikiŋnemie tiŋnere kiŋaŋ qazejec. ¹⁴ Ŋoŋe sâcmutâc dânko mâcne, Anuture aki

anonocko juengopien̄te sâqocnezi ñicbombon̄ mi en̄areocmu.

Mitire gie bapa ñic erâ juzo

¹⁵ Eme š̄i wenac ezo? Anuture aki anonocko raš̄ihapene sâcmutâc dân̄te aka râriewecte sâqocne bazo me? In̄uc aricnej̄ ¹⁶ Me ñoñe š̄in̄uc mi man̄ngopien̄ me? Ñicbombon̄ moc mañ̄ sahad-ñen̄ic qikin̄necnehuc micne ren̄keniñmuzi ere kin̄añ̄ qaqañ̄ erâ gie-ticne baniñmu. Sâqocnezi ñicbombon̄-ñen̄ic eme ere kin̄añ̄ qahuc juku hâmo sipiric eniñmu me micreren̄zi ñicbombon̄-ñen̄ic eme ere kin̄añ̄ qahuc tiñkeniñmu. ¹⁷ Ñoñe sâqocnere kin̄añ̄ qaqa juwarembiñ̄ i tarawec, eme š̄i mitire hata qazu-ñarekicne irec sâcko mañ̄zi manahuc ren̄keen̄gopien̄ irec Anutu muten̄kezo. ¹⁸ Ñoñe sâqocnaonec batarac-ñopakicnezi tiñnere kin̄añ̄ qaqa embiñ̄ juñgopien̄. ¹⁹ Mañ̄rañ̄qa-ñen̄ic gegec dodocnere ñicko wiac fokac ira sâc hehuc dân̄ ñazakopac. Ñoñe mârâc jaha me sahad-ñen̄ic qikin̄nemie sasec â sindañ̄ irec kin̄añ̄ qaqa ehame kosa jujumbien̄, eme damañ̄ š̄in̄uczia me sahad-ñen̄ic qikin̄nemie tiñnere kin̄añ̄ qaqa ehame mañ̄furu erâ junš̄epien̄. ²⁰ Sâqocnere kin̄añ̄ qaqa jumbiñ̄ko tiñnere niñgiñ̄ mi foñarewec. ²¹ Eme damañ̄ ira wemo fâr̄ine bâfuambiñ̄? Fâr̄ine hotâckembiñ̄ irec š̄in̄uczia manapie miminehec eekac” eme irec faicnao hâmoc bâbâfuane fokac. ²² Damañ̄ š̄in̄uczia ine sâqocnere niñgiñ̄ ñen̄goron̄keme Anuture kin̄añ̄ qaqa embiñ̄ juñgopien̄, ehuc fâr̄ine mañ̄furu rombiñ̄ â š̄âhec juju sanañ̄ bâfuaniñmu. ²³ Sâqocnere furine

hâmoc rozo, â Anutu aki anonoc-ticnere fârine ine Wofuŋ-nâŋec Jesu Kristo erao ŝuhuckehuc juju sanaŋ rozo.

7

Mârore hata qarîo juzo

¹ Âgo bureŋ, sâcmutâc dâŋ mamana ŋoŋere mukopac ŋoŋe kecŝiŋuc mi manaŋgopieŋ me? Sâcmutâc dâŋ rereŋke i hâmocko taraekac. ² Irec hâcne ŋokac moc e ŋowene qâricne juhame bebehene mi fokac. sâcmutâc dâŋko iŋuc mukicne. Ŋowe-ticne hâmome ine sâcmutâc dâŋko ŋowe ŋonâŋ jahere mukicne i tarakac. ³ Ŋokac moc e ŋowe-ticne qâricne juhame beherâ ŋic moctao qo-hotame ŝuhuc bâtâcte kiŋ hurekac muzo. Ŋowe-ticne hâmome ine sâcmutâczi niŋgiŋ-jofawec niŋgiŋ i tâcneocmu: ehame ŋic moc baocmuo ŝuhuc bâtâcte kiŋ mi hureocmu. ⁴ Âgo bureŋ, ŋoŋere fuŋne ijaha fokac. Kristo e sahaç-ticne hâmocte qikiŋnewec, erao ŝuhuckehuc sâcmutâc dâŋ hâmocnemiŋ. Zi ine ru mocte embiŋ. Hâmockonec faharewec jukac ere hâcne embiŋ. Irec nâŋâc Anutu fârine bâfuacnenŝepeneŋ; ⁵ Juju raŋqa jujumbeneŋ dameŋ ira sâqocnere sasec i sâcmutâc dâŋzi ŝocticne ficneme me sahaç-nâŋecko gie-ticne bajujec. Iŋuc enâreme hâmo sipiricte fârine bâfuambeŋ. ⁶ Zi ine sâcmutâc dâŋ hâmocnepene niŋgiŋ-ticne tarawecko dâŋqâreŋte hata raŋqane mi âtehuc Mârore hata qâricne âteŋgopeneŋ.

Sâqocnezi hobeteŋko ɲesiŋnehuc suruc-nâpoekac

⁷ Eme ši weniŋuc muzo? Sâcmutâc dân i sâqocne me? I aricne i; Mâc sâcmutâc dân tâmiric muzac, no sâqocnere fuŋne mi mana tarazapo. Sâcmutâc dânzi šiŋuc mufua-nâreekac: “Go andac mi ezemec.” Dân i mi fome muzac andacte kâuc bazapo. ⁸ Sâqocne e ine sâcmutâc dânzi ɲesiŋ ecnehome maŋnane suruckeme andac fuŋne fuŋne fuawec. Sâcmutâc dânqâhâc mi fome muzac sâqocnezi mâc mâteŋkerâ fozac. ⁹ No mârâc jaha sâcmutâc dânqâhâc tâmiricko sâcne juhâmopo. Izi šâhec sâcmutâc dânzi bâfuacnume sâqocnezi maŋnaneo qâreme hâmopo. ¹⁰ Sâcmutâc dânzi enareme juhâmopemurâ mukicne izi hâcne ɲerisierâ šikanehec ewec. ¹¹ Ine hâcne sâqocnezi hobeteŋko ɲesiŋnehuc sâcmutâc dânte erâ eatucnuhuc qâhâmocnuwec. ¹² Erâ ine šiŋuc: Sâcmutâc dânqâhâc e bahacmâc, â bâfâuckehuc moc moc mutâcnekicne i wâc bahacmâc â tiŋne â biaŋne. ¹³ Hâc, eme dân biaŋnezi hâmoc bâfua-narewec? Iŋuc mâcne, sâqocnezi nuwec. Sâqocne fuŋneticne taniŋke-jâmbânkeocte dân biaŋnezi âki heha hâmocne nuwec. Sâqocnere manapene gâgâpâcne jâmbân eocte sâcmutâc dânzi âki heha nuwec.

Me sahaç-nâhecko sâqocnezi gie hae ewec

¹⁴ Nâhâc šiŋuc mananŋopenen: Sâcmutâc dân e Mârore tofa, no ine mârenŋe tofa, sâqocnere hozine. ¹⁵ No eebapa-nanere manape ririsi eekac. No wiac moc ezo enare-bipieme mi eekopac,

â wiac sureekopac ine eekopac. ¹⁶ Erâ wiac sureekopac i ehuc ine sâcmutâc dânzi bianje irec fuñne bataniñkeekopac. ¹⁷ Eme hehesic eekopac i no nahacne mañte mâcne, sâqocnezi mañnaneo fohuc surucnume eekopac. ¹⁸ No fuñne šiñuc manakopac: Mañnaneo, sa hac biucnanere mañko hâcne, bianjezi fic hae mi ewec jukac, wiac bianjere mumu I muekopac, â fârine bâbâfua ine arictac. ¹⁹ No wiac bianje ezepac muhuc mi eekopac, â wiac sâqocne mi ezepac muhuc ine eekopac. ²⁰ Sâqocne mi ezo muhuc sifu eekopac ine šiñucte, i no nahac mâcne, sâqocnezi mañnaneo fic hae ewecte jâiñko eekopac. ²¹ Norao sâcmutâc kecšiñuc fuaekac: Wiac bianje ezo muhape sâqocnezi maicnuekac. ²² No mañwâmbuñnanezi Anutu sâcmutâc dânjticnere mana añac eekopac. ²³ Ehome me sa hac-naneo sâcmutâc moc fokac izi mañ mamanasu-nanere dânhec rârâsi eekopirec, ehuc niñgiñnume sâqocnere sâcmutâc dân me sa hac-naneo fic hae ewec ere kâpâcwâru ñic eekopac. ²⁴ Ñic huac bucne no mozi sa hac-nane hâmocte biñe ekicne hetaranareocmu? ²⁵ Anutu e Wofuñ-nâñec Jesu Kristore erâ mutenjekopac. Eme šiñuc hâcne: No nahac mañ mamanasu-nanezi Anuture sâcmutâc dân kiñañ qacneekopac, sa hac-nanezi ine sâqocnere sâcmutâc dân kiñañ qacneekopac.

8

Bianjekicnezi Mârore hata âtezo

¹ Eme Jesu Kristohec juengopien ɲic i janerao sâqocnere okacne mumutara-jare moc mi fufuane. ² Kristo Jesure erâ juju bâfua-nâreekac Mâro hâcne, ere sâcmutâc dânzi sâqocne â hâmoc irec sâcmutâc dânj bârârie-nârewec. ³ Sâcmutâc dânj e maɲraɲqa-nâɲeczi tâpirine bawahame nâɲâcnao gie bâipiewec. Irec Anutu e šiɲuc ehuc maɲraɲqa sâqocne-ticnere tâpiri game wahawec: ɲokâ-ticne soreme sâqocne bapa nâɲâcne sahaç hawari rorâ sâqocnere due bawec. ⁴ Ine maɲraɲqare hata mâcne, Mârore hata âteengopenen nâɲâcnao sâcmutâc dânrerenj biaɲ fua-fâreocte iɲuc ekicne. ⁵ Juju raɲqare hata âteengopien jaɲe maɲ mamanasu-jenjiç juju raɲqare wiacte foekac, â Mârore hata âteengopien jaɲe maɲ mamanasu-jenjiç Mârore wiacte foekac. ⁶ Maɲraɲqare wiacte manasuhuc sisipiric bâfuazo, â Mârore wiacte manasuhuc juju â wama bâfuazo. ⁷ Maɲraɲqare wiacte mamanasu izi Anutu kisâ ecneekac. Ehuc sâcmutâc dâncticne mi dapecneekac, i wemoticznezi sâcne ezac; ⁸ Maɲraɲqahec juengopien jaɲere Anutuzi takickeekac.

⁹ Anuturre Mârozi maɲɲenjiçko fiç hae ewecko ine maɲraɲqaopec mâcne, Mâroraopec utuck-erâ juengopien. Moc e Kristore Mâro tâmiriç juocmuzi ere ɲicbiɲe mi juocmu. ¹⁰ Kristozi maɲɲenjiçko jukacko sahaç-ɲenjiçzi sâqocnere erâ hâmoc ruckekac, â maɲ qâqâtâc-ɲenjiçzi ine kiɲfâsâç bacɲopakicnere juju ruckekac. ¹¹ Eme Jesu hâmockonec bâqârewec Anutu hâcne, ere Mârozi maɲɲenjiçko ɲeɲe juju ekacko, Kristo Jesu

hâmockonec bâqâreweczi maññejicko Mâro-ticne jukac ere erâ sahaç-ñejic hâmocne i iñuc jaha bâqâreocmu.

Mârohec erâ Anuture naru motecfâc juzo

¹² Âgo bureñ, irec hâcne mañrañqazi wemo nâre tahac eekacte nâñac tofa bazucnehuc ere wiacko qohotanañmu? ¹³ Nõñe mañrañqare wiacko qohotaniñmuo sipirickeniñmu. Á Mârore tâpirio sahacte dâñ qaniñmuo ine juju sâcne jurañihuc juniñmu. ¹⁴ Anuture Mârozi de âsic ejareha juengopien jañe hâcne Anuture naru motecfâc. ¹⁵ Anutu e Mâro ñarewec i kiñañ qaqañacne juhuc harierâ hâhâwic bacneniñte mâcne, naru motecfâcne erâ juniñte ñarewec. Irec hâcne “Mamac bian-nâñec” muhuc wasickeenñopenen. ¹⁶ Nâñac Anuture naru motecfâc juengopenen, dâñ i Mârozi mañnâñecko musokame manaenñopenen. ¹⁷ Naru motecfâcne juñgopenenzi Anuture huhure wâc rauckenañmu, Kristohec mâmâc wirec rauckenañmu. Zira mârenko ehec šârâ hâriñ faio junañmuo ehec eri tatamac bianko mâmâc jaha junañmu.

Ñic mañ sahaç-nâñec bianke-fârehome wiac omanezi iñuc jaha biankeocmu

¹⁸ Sambânko Anutuzi eri añac bâfua-nâreocmu, i mârenko šâic busâqoc fokac ira sâc hepe mamakâc eocmu. ¹⁹ Anuture naru motecfâc eri añac-nâñec fua tâcneocce, wiac bâfuac-jopakicne jañe irec woñec juhuc mañ hâhâñ ejareekac. ²⁰ Wiac omane jañe wâc bie gufec

hâmo qanšaraŋte maŋnao râec-jopakicne, erâ jaŋacne maŋte mâcne, ŋiczi sahacko râec ejarewec. Erâ jaŋe iŋuc hati fohuc juniŋte mi mujarekicne. ²¹ Wiac omane jaŋe wâc hâmo qanšaraŋte niŋgiŋ hetararâ firiehuc Anuture naru motecfâc nâŋâcne eri aŋacko šuhuckenijmu hâcne. ²² Nâŋâc manaŋgopenenŋ, dameŋ i hâcne maickeocte wiac omane jaŋe harac huacbuc ehuc gozi kicjopame šâic manaengopienŋ. ²³ Erâ wiac omane jaŋe sawa iŋuc mi eenŋopienŋ, sambâŋkonec qaçasune Mâro hâcne nârekicne nâŋâc iŋuc jaha, naru motecfâc-ticne juŋgopenenŋ irec fuŋne Anutuzi, sahad-nâŋec bâfiriehuc, bataniŋkeocte woŋec juhuc maŋzi harac huacbuc eenŋopenenŋ. ²⁴ Nâŋâc bâpiaŋ-nâpokicne irec fârine tapamaŋko fokâc. Fârine tâtâc fuame muzac harac huacbuc mi enšapenŋ. Wiac i basahuc ine harac huacbuc ezo. ²⁵ Fârine tâtâc mi fuame honeengopenenŋte maŋzi worickehuc woŋec juengopenenŋ hâcne.

²⁶ Mâro e wâc gegec dodoc-nâŋecte erâ bafic-nâpoekac. Nâŋâc iŋuc me iŋuc numupene sâckeocmu, i mi mana-hâmoengopenenŋte Mârozi âkehoc-nâporâ saŋuc ŋiczi mi mamananane i qaekac. ²⁷ Ehame Anutu e maŋ hohonezi Mârore dâŋ manaekac. Mâro e mitiŋic jaŋere okacne Anutu dâŋsâc-ticnao numuekac.

Anutu e nâŋâcnao gie fuŋkewec i bataraocmu

²⁸ Nâŋâc manaŋgopenenŋ, Anutu maŋzi jaunkenijmu jaŋe wiac izi me izi fua-jarehuc bâbâpiaŋ-jeŋic dopecke-fâreocmu, ine eki

hefârec-jopaoc-te maname fowecte hefârec-jopawec jaņe hâcne. ²⁹ Niç qanaņ honec-jopame sâckewec jaņe ņokâ-ticnere hawari eniņte mucjopawec. Eme qafâc-ticne bocjaha ehapene e jahac ine mârâc hahac-nâņec erâ juocmu. ³⁰ Anutu e ņic qanaņ honec-wosâec-jopawec sâc hefârec-jopawec. Hefârec-jopawec sâc kiņfâsâc bacjopawec. Kiņfâsâc bacjopawec sâc eric-jopawec.

Wiac moczi Anuture uruc jaunĵkonec mi batarac-nâpooemu

³¹ Dâņ irec fuņne wenijuc fokac? Anutuzi âgo enârehamo mozi râsi enâreocmu? ³² E ņokâ-ticne mi sakarehuc nâņâcnere erâ qaisockeweczi ere erâ wiac sasawa mi sesi qequeric jaha tahac-nâpooemu me? ³³ Anutu bâwosâecfâc-ticne jaņe mozi dâņko râec-jopaocmu? Anutu e jahac kiņfâsâc bacjopakac. ³⁴ Me mozi tunjopaocmu? Kristo Jesu e jahac hâmowec, erâ hâmowec sawa mâcne, e hâmockonec wâc faharerâ Anuture mefâreo feweczi nâņâcne riņ rohuc juekac. ³⁵ Kristore uruc jaunĵkonec wemozi moc batarac-nâpooemu? Zâic busâqoczi me hume sererenzi me fific guguriņzi me roroczi me qarâ suriņnezi me šârâ šâpâzi me šika kâpâcwâruzi? ³⁶ Dâņqâreņ kecšijuc fokac irec sâcko wiac enâreenĵopieņ:

“Gore erâ šoaņne šoaņne qa imac enâreenĵopieņ, lama qa hezuc eejarene jaņere sâcko râec-nâpoņĵopieņ.”

³⁷ Erâ wiac iņucnezi mi bâdoc-nâpooemu, aricne, Jesure uruc jaunĵko âtesijnehuc sasanâņ fekcicne

bâfuarâ domaengopenej. ³⁸ Irec no šiņuc man-apaņkekopac: Hâmoczi me jujuzi, aņelozi me ņicbomboņzi, wiac šiņucne fofonezi me šâhec fufuanezi, me wiac tâpirineheczi, ³⁹ wiac faicne wawahanezi me juwicnec wewefunezi, wiac izi me izi Anuture uruc jauņkonec moc mi batarac-nâpo-jâmbâņkeocmu. Uruc jauņ i Wofuņņâņec Kristo Jesu ere erâ qoroc-nâpoekac.

9

Paulo e Judaņic âgofâcne jaņere bušâic manawec

¹ No Kristore ņiczi burec mi ehuc dâņ jâmbomac mupe mananiņ. Tiri Mârozi maņnane batamaehame mana-jâmbâņkehuc ņazape: ² No busâqoc fârine manahuc maņnane wemo afecne fârorockeekac. ³ Judaņic âgofâc-nane, soctofafâc-nane hâcne, jaņere erâ no nahac Kristore sacmaņkonec wawahare sâcne afeckežapo. ⁴ Jaņe hâcne Israe ņic, eme Anutuzi fuņfuņfâc-ticne bacjopawec, ehuc tâpiri tatamac-ticne jowatuwec. Erâ jaņehec šâšâfic erâ sâcmutâc dâņ mufua-jarewec â mai ecnehuc juniņte hatane jowatuwec. Erâ wâc biņedâņ jazawec. ⁵ Á mimiņnefâc-jeņic jaņe mitire fuņqizecne jumbiņ. Eme Kristozi ņicsahac rohuc fuawec i jaņere guroo fuawec. Wiac sasawa irec Wofuņ jukac, Anutu hâcne, e mumutenĥeczi mumutenĥec jurašihuc juzejec sanaņ. Jâmbomac.

Mitihec jaņe Anuture ņicfâc

⁶ Wiac iņuc fuawec irec Anuture dâņ dodocne ewec mi muzo. Israeraonec fuambiņ jaņe Israe

ņic fârine ninic mi efârembiņ. ⁷ Á Abrahamte to-fafâc jaņe qâricfâc-ticne fârine wâc mi efârembiņ. Eme irec hâcne dâņ šijuc âzâcnekicne: “Isakare qâricfâc jaņe sawa gore biņe eniņmu.” ⁸ Dâņ irec fuņne šijuc fokac: Sahaczi Abrahamtao fuam-biņ sâc Anuture ņicfâc mi efârembiņ, biņedâņko fuakicne jaņe sawa Abrahamte qâricfâc fârine embiņ. ⁹ Biņedâņ kecšijuc mukicne: “Jara moc tarame Sarazi motec rorâ bajuhome mocwâc warepemu.” ¹⁰ Erâ i sawa mâcne, Rebekarao sâc ijaha fuawec. E mimiņne-nâņec Isaka ehec juhuc motec jajahec kiwec-jofawec. ¹¹ Eme motec jahe mi fuahuc wiac bianņe me sâqocne mi ehapire Anutuzi jahere šijuc âzâcnewec: “Hahaczi qare kiņaņ qazejec.” ¹² Ine Anutu mumupaņ-ticne sananņkeocte manasuhuc motec jujujekicte mâcne, e jahacne maņte ro bârâwiņ ejactehuc dâņ i muwec. ¹³ Irec dâņ moc šijuc hâcne fokac: “No Jakobore enarewec â Esaure takicnuwec.”

Anutu e juju bapa-nâņecte mâcne, buuruc-ticnere ehâmo-nâreekac

¹⁴ Eme irec weniņuc muzo? Anutu erao guriņ bapa hehesicne moc fokac me? I aric kereņne. ¹⁵ E Mose dâņ šijuc âzâcnewec: “No ņic moc akickezo murâ akickepemu â ņic moc buuruc ecnezo murâ ecnepemu.” ¹⁶ Irec ņicmaņte me ņic eebapare mi muzo, Anutu buuruc-ticnere sawa muzo. ¹⁷ Anutuzi Farao dâņ âzâcnewec, irec miti papiao šijuc qâreņkekicne: “No gorao tâpiri-nane bataniņkepe šâņe biņe-nane mâreņ sâc raocte muhuc âkendâņgupo hâcne.” ¹⁸ Eme

irec Anuture šinjuc manazo: E ñic moc akickezo murâ akickeocmu â moc e mañne bâzickezo murâ bâzickeocmu. ¹⁹ Eme ñifecne šinjuc mecne nazacmu: “Anutu e ñic nâñâcne wemocte maname sâqoreekac? E wiac moc ezo mume ñiczi aka hehecne i mi fokac.” ²⁰ Ñic go wemogere Anuture dâñ mucmu? Kušizi wemocko kuzi bapa šinjuc âzâcneocmu: “Go wemocte sâc injucne bacnumeñ?” ²¹ Me kuši bapa e afe izia kuši gâcne ñic jañere biñe â gâcne bec qâto jañere biñe bame sâqoreocmu me?

Miti runezi râpene embiñ

²² Eme Anutu e kuši kimbeñ-ticnere biñe, šâhecko qanšañ-joparâ behec-jopaocte maname fokac, kuši i jañerao šika bâfuahuc tâpiri-ticne bataniñkeocte sifu bumâteñ-ticnere erâ jâbu ejare warehuc juekac. ²³ Erâ ñifecne kuši buuruc-ticnere biñe, juku eri tatamac-ticnao biric-jopaocte maname fokac, kuši i jañerao eri añac mâriri hejareocte bacjopa juekac. ²⁴ Eme Judañic sawa mâcne, qâpuc mâmâc kuši buuruc-ticnere biñe enañte hefârec-nâpoekac. ²⁵ Eme irec porofete Hoseare papiao dâñticne šinjuc fokac:

“Ñicguru mi rucjopapo jañe `nore ñicfâc3 mucjopapemu,
â biñemâc juwec e šâñene `joroc-nane3 mucnepemu.”

²⁶ “Eme `ñoñe nore ñicfâc aricne3 ñazakicne, mâreñ ira wâc šâñe-jeñic `Anutu jujunere naru motecfâc3 fuaocmu.”

27 Erâ Jesajazi hahanje bahuc Israe njic jaņere šinuc muwec wâc: “Israe qâricfâcne jaņe hâwecmecko moņgeņ fokac irec sâc bâfuazo murâ bâfuaninmu, eme sifu uuc šanšanje sawazi biankeninmu.” 28 Wofuņ e mâreņko dânticnere fârine qeņnea bâfuame fideteņ efâreocmu. 29 Jesajazi findaņdâņ moc šinuc hâcne muwec: “Sambaņ momori jaņere Wofuņ e njicukic moc mi getâc-jopa-nâreme muzac, ine Sodom jaņere sâc bâfuanšapeņ, â Gomora jaņe inucne enšapeņ.”

Judanĳic jaņe tinke bian eninĳte eipiembin

30 Eme ši weniņuc muzo? Kecšinuc: njic qâpuc tinke bian eninĳte mi fotariembinzi tinke bian embin, mamasinĳte tinke bian embin hâcne. 31 Â Israe njic sâcmutâc dâņ reņkehuc tinke bian eninĳte fotariembinzi sâcmutâc dâņ bâmâmâckembin. 32 Wemocte? šinucte: Jaņe mamasinĳte mâcne, mâc juju bapa-jeņicte tinke bian eninĳte mumbin. Ehuc hatao qânâ fowec ira kike-jeņic hezumbin. 33 Kecšinuc hâcne qâreņkekecne fokac: “Manakic, no Zion haeo qânâ moc râekopac ira kike-jeņic hepirickeninmu, â buse ņeņene moc hekopac ira heariweninmu. Eme moczi e manasinkeocmu ine mi quru-tuaocmu.”

10

Anutuzi kinĳ tatarare hata bâfuawec i Judanĳic jaņe qikiņnembin

¹ Qomâfâc-nane, Judañic âgofâc-nane biankeniñte mañnanezi boc enareme Anutu irec numucneekopac. ² Jañe Anutu kiñañ qacneniñte šoqac ehuc juengopien i honeekopaczi mukopac. Erâ i hatane kâuc bahuc eengopien. ³ Jañe Anuturaonec kiñfâsâc eere hata fokac i kâuc baengopiente jañac tiñke bian eniñte giene baengopien. Irec Anutu tiñne rune mi dapecnembiñ. ⁴ Niñci mamanasinhec erâ kiñfâsâc bâfuanante Krištozi sâcmutâc dânte hata hebâzicke-nârewec.

⁵ Mose e dân šiñuc qâreñkewec: “Niñ moc e sâcmutâc dânte tiñke bian hata âteocmuzi juju bâfuaocmu.” ⁶ Á mamanasinhte tiñke bian eere dân ine kecšiñuc fokac: “Go mañgezi šiñuc mi muzemec: Mozi sambâñko ferâ Krišto bawahaocmu, ⁷ me mozi hârâcko hurâ Krišto hâmokicne jañeraonec jowa wefuocmu?” ⁸ Inuc mâcne, tiri papiao kecšiñuc mukicne: “Miti i šoricko mi fokac, i mumugao â mamagao râekicne.” I mamanasinhte dân ñaza qazuc eengopeneñ irec mukicne. ⁹ Jesu e Wofuñ-nane i mumugao foomu â Anutuzi Jesu hâmockonec bâqâre-narewec i mamagao foomu eme biankerâ jucmu. ¹⁰ Mañzi Jesu manasinkehuc kiñfâsâc ezo, â miczi e mutaniñkehuc biankezo. ¹¹ Eme irec hâcne miti papiao kecšiñuc qâreñkecicne: “E manasinkeocmuzi mi qurutuaocmu.” ¹² Judañic â Grikiñic bârâwiñ mi engopeneñ, e mocjahazi Wofuñ junâre-fâreekac, erâ wiac fuñne fuñne hezu henâreekac. ¹³ Irec hâcne šiñuc

mukicne: “Wofunġe šâġe riwaseckeocmuzi bianġerâ juocmu.” ¹⁴ Ririwasecke i e mi manasiġkeġġopienġi wemocko eniġmu? Anutu mamasasiġke i dâġticne mi manaġġopienġi wemocko eniġmu? Anutu dâġticne mamana i biġe mumu tâmiric wemocko eniġmu? ¹⁵ Á biġe mumu i moczi jaza sorec mi ejarehame wemocko fuaniġmu? Dâġqâreġ šiġuc hâcne fokac: “Biġebianġ mumuġic jaġere kike fânâġzi maġ baafec bâfuaekac.”

Anutuzi Judaniġ bâipiec-jopawec

¹⁶ Biġebianġ ine ġic ġâcnezi mana rereġ mi em-biġ. Jesajazi wâc šiġuc muwec: “Wofunġ, biġedâġ muhaġġekicne i mozi mana šakiewec?” ¹⁷ Irec šiġuc manazo: Mamasasiġ i miti mu manacte fârine, â miti mu manac i Kristore michte fuaekac. ¹⁸ Hâc, eme šiġuc muhuc wiokopac: Jaġe miti mi manambiġ me? Iġuc mâcne,

“Micfânâġ-jeġiczi mâreġ sâcke-fârewec
â dânjeġiczi mâreġ qaġeġġao fisiwec.”

¹⁹ Eme mocwâc wiohuc mukopac: Israe ġic jaġe mi mecne mana-hâmombiġ? Iġuc mâcne, qanaġ Mosezi šiġuc qâreġkewec i mupe:

“No ġic omane rocjopape siric-ġopapie iġġuġġ
ejarenšepienġ;

ġicguru mutucne hefârec-jopape buġenġic
ġâpârezeġec.”

²⁰ Eme šâhec Jesajazi dâġ bâutuckehuc kecšiġuc muwec:

“Mi basacnuhuc jumbiġzi bâfuaacnumbiġ,
nore mi muhuc jumbiġ jaġe maic-jopapo.”

21 Erâ Israe ñic jañere ine šinuc mu qâreñ ewec: “No ñicguru mana qâomane â mickobacne dameñ šora meoric qajarehuc jupo.”

11

Israe ñic gâcne sâko mañsanañ ehapie Anutuzi afecne rowosâec-jopawec

¹ Eme wiokopac: Anutuzi ñicfâc-ticne beheç-jopawec me? Aricne, inuc mi ewec. Noni Israe ñic jaha wâc, Abrahamte qâric, Benjaminte guruonec ² Anutuzi qanañ manac-jopawec ñic i mi beheç jopawec. Me ñoñe Eliare binañ miti papiao i wose manac mi eençopien me? ³ E Israe ñic jañere dâñ muhuc Anutu šinuc âzâcnewec: “Wofuñ, jañe porofetefâcge jopa-fârehuc alatage henšañnemiñ, eme ši buc juhape no wâc nuniñte muñçopien.” ⁴ Inuc mume Anutuzi dâñ weniñuc bâतिकecnewec? “No ñic 7000 sakarec-jopape Baali nemu mi dapecnemiñ.” ⁵ Eme dameñ ši inuc jaha Anutuzi aki anonoc-ticnere erâ ñic tiwâne rowosâec-jopawec juñçopien. ⁶ I aki anonoc-ticnere inuc ejarewecko juju bapa-jeñicte mi ejarewec. Inuc mi eme muzac, ine aki anonoc fârine mi ezac.

⁷ Eme weniñuc? Israe ñic jañe wiac fârine bâfuazo mumiñ i mi bâfuambiñ” rowosâec-jopakicne jañe sawa bâfuambiñ, gâcne sâko ine mañsanañ embiñ. ⁸ Irec šinuc hâcne qâreñçekicne fokac: “Anutu e mañjeñic bâsifuckewec, šañe-jeñic bâhâpowec â hazec-jeñic qâzic qawec. Inuc ejareha jumiñzi juençopien.”

⁹ Á Dawidizi mu qârenj ewec:

“Jaņe nânâ nahapie râsi fisipie fâfâc-jopazejec,
Mârenko jopaha okacne fisi-jarezejec.

¹⁰ Go šâņe-jeņic bâhâpotec tiņtuņ qanšepieņ,
â râpe-jeņic bahasicketec miņgeņ miņgeņ
junšepieņ sanaj.”

Oliwa jâcnao tieņne jabane râe šuhuc ekicne

¹¹ Eme wiokopac: Israe ñic jaņe fâfâc-jopawec
i waha qâhâmoc-jopaocte iņuc fuawec me? Iņuc
aricne, jaņe bâbâpiaņ râpeckepie qâpuc jaņere
biņe ewec, ine qâpuc jaņe manapie Israe ñic jaņe
honey-joparâ iinguuņ ejareniņte iņuc fuawec.

¹² Eme miti qiqikiņ-jeņiczi mâreņ sâc ñic jaņerao
miti mâriri bâfuawecko, â dodocke-jeņiczi ñic
qâpuc jaņerao miti šâkâņ bâfuawecko, oponj, juku
furu jaha manjeņic bârisiepie fârine mo iņucne
fuazokac!

¹³ Qâpuckonec opâ ruac ñoņe dânj ši ñazape
mananiņ: No qâpuc ñoņere aposolo juekopaczi
gie-nane baericko bašihuc baekopac, ¹⁴ i socto-
fafâc-nane âkeriņ-jopape gâcnezi bâjâpecnuhuc
biankeniņte. ¹⁵ Anutuzi Israe ñic beheç-jopame
mâreņ sâc miti fuawec, izi juku rocjopame mi
hâmockonec qâqârezi fuazokac me? ¹⁶ Nânâ hata
qaqasune jambuņkepene nânâ mâmâc sâcke-
fâreekac, â jâc gâtânezi furu fome tieņne iņuc
jaha furu foocmu. ¹⁷ Eme Anutuzi tieņne gâcne
hetâcne beheç ehuc irec dodoma tacko oliwa
kâteo fuakicne irec tieņne go râe šuhuc egarewec.
Eme oliwa gâtânere ñiņic wokemaņzi gume hesi-
wiņ egarehame, ¹⁸ go tieņne raņqane mi mana

pitiwac-jopahuc mañfefe mi ezemec. Inuc ez-
 ictē šinuc manac: Go gâtâ gume hesiwij mi
 ecnekomec, gâtâzi go egareekac. ¹⁹ Mupe go
 ñifecne šinuc mecne mucmu: “Anutuzi no hâcne
 râe šuhuc enareocte tieņne raņqane hetâcne be-
 hec ejarewec.” ²⁰ I mukic mac. Jaņe miti
 qiqikiņ-jenictē hetâcne behec ejarekicne â go ine
 mamasinġere dodomatac-jenicko domakomec.
 Irec go saħacge mi bafehuc rumerâ juzemec.
²¹ Anutu e oliwa e jahacne tieņne mi akick-
 ewecko go inuc jaha mi akicguocmu. ²² Irec
 go buuruc-ticnere mecne â fâro-ticnere mecne
 mi nikecguzejec. Fâro-ticnere fârine i miti
 râpeckembiņ jaņerao fuawec, â buuruc-ticnere
 fârine i gorao fuawec. Eme go erao qohotahuc
 jutec fârine i sâcne fogareocmu. Inuc mi etec ine
 go wâc hetâcne behec egareocmu. ²³ Erâ wâc
 tieņne raņqane jaņe maņsanaņ-jenic beheniņmuo
 Anutuzi mocwâc râe šuhuc ejarezo murâ sâcne
 ejareocmu. ²⁴ Eme kâteonec oliwa rocgurâ hae
 oliwa jâcnao râe šuhuc egareweczi hae oliwa e
 jahacne tienfâc mocwâc šuhuc-jopazo murâ mi
 quņkeocmu, i onšoņ jaha šuhuc-jopaocmu.

Judaņic jaņe juku mitimaņko raši-fâreniņmu

²⁵ Âgofâc-nane, ñoņe, kâuc bahuc ñaņacne
 mamanao roweckerâ mana sifuckenšipiņte dâņ
 soņne ši mufua-ņarepe. Israe ñic tucne jaņe
 maņsanaņ erâ juħapie qâpuc sâko jaņe mitire
 maņko rašiniņmu. ²⁶ Rašihapie šâhec Israe
 ñicguru qâqâhâc bianke-fâreniņmu. Žinuc hâcne
 qârenķekicne fokac:
 “Zion haeonec Bâbâpiaņ moc fuarâ

Jakoborao jawa âsu gêrec ofaŋneme raocmu.

²⁷ Injuc eme no sâqocne-jeŋic ŝurerâ
jaŋehec mocwâc ŝâŝâfic epemu.”

²⁸ Israe ŋic jaŋe qâpuc ŋoŋere erâ Biŋebianŋe
râsi juŋgopienj â rowosâec-jopakicnere ine
mimiŋnefâc-jeŋic jaŋere erâ Anuture jorocfâc
juŋgopienj. ²⁹ Anutu e âgo ŝâŝâfic dâŋsaric-ticne
â hehefâre dâŋticne mi dockeocmu. ³⁰ Qâpuc
ŋoŋe mârâc jaha maŋsanaŋ erâ jumbiŋ, eme
ŝâhec Israe ŋic jaŋe maŋsanaŋ ehapie Anutuzi
buuruc-ticnao râec-ŋopawec. ³¹ Injuc jaha jaŋe
maŋsanaŋ juhapie Anutuzi buuruc-ticnao ŋec-
ŋopawec, i jaŋe wâc buuruc ejareocte injuc ewec.
³² Anutu e ŋic sasawa bâturec-jopahuc qaqatarao
basanaŋ-jopawec, i mâmâc sasawa buuruc-ticnao
ŋec-jopaocte injuc ewec.

Anutu e mâsi-ticnere â miti-ticnere mutenkezo

³³ Opoŋ, Anutu e mitire mâriri â maŋqârâŋ
â mamana saric-ticne irec ŝâkâŋne mo injucne
fokacj Mumutara-ticnere fuŋne i ŋiczi mi ma-
manane gie bapa-ticnere hata i ŋiczi mi ho-
honene.

³⁴ “Wofunŋe maŋko dâŋ fokac i mo ŋiczi man-
awec,
me dâŋ muhame mozi bafickerâ muwec?”

³⁵ “Me mo ŋiczi e qanaŋ wiac moc
qikiŋnecnewecko
tofane bazucneocmu?”

³⁶ Wiac sasawa eraonec wareekac â erao siŋkerâ
foekac â erao rafâreekac. Mumutenzi mumutenj
i erao ŝuhuckeme ŝuhuc foraŝihuc juzejec sanaŋ.
Jâmbomac.

12

Sahac-nâjeczî Anuture taha bâzi ezejec

¹ Âgofâc-nane, no Anutu buuruc-ticnere erâ dâŋ hazec qâuŋ ŋazape mananiŋ. Nõŋe sahad-ŋeŋic Anutu qikiŋnecnepie taha bâzi qaqačne â tirine eme honeme biankezejec. Inuc ehuc Anutu kiŋaŋ fârine qacnenšepieŋ. ² Erâ juju bapa-ŋeŋiczi miti tâmiric jaŋere sâc mi ezejec. Nõŋe maŋ mamanasu-ŋeŋic bâtikiepie hawarine moc eme Anutu micdâŋ-ticnere sâcko gie bianŋe â hohone šiziwene â tirine irec wosâenšepieŋ.

Moc e mitio gie mucnekicne sâc bazejec

³ Aki anonoc tahacnukicnere mâmâc sasawa ŋazape mananiŋ: Moc e jahacnere maname fefene boc mi ezejec, Anutuzi miti râcnawec sâc i sawa ezejec, sâc jâuruhuc ine mi ezejec. ⁴ Šinuc mananiŋ: Fâri ombâŋ-nâjecz mocjaha e kiŋaŋ qaqaqâc-ticne bocjahazi gie fuŋne fuŋne baengopieŋ. ⁵ Eme ŋifec Kristorao inuc jaha bocjahazi qâfâsâepene fâri ombâŋ mocjaha ekac, erâ me kikefâcne juhuc dodopec eenngopeneŋ. ⁶ Mitire tâpire fuŋne fuŋne i aki anonoc nâre tahac ekicne sâc fonâre rakac. Eme irec sâcko gie banšepeneŋ. Irece moc e Anuture micdâŋ mumu-fuare tâpiri focnekacko mamanasin-ticnere sâcko muzejec. ⁷ Moc e kiŋaŋ qaqa giere tâpiri focnekaczi gie i bazejec, â moc e qaqazu gie baocmu e irec tâpiri focnekac sâc bazejec. ⁸ Uŋsawaŋ dâŋ muekac e irec tâpiri focnekacko muzejec, bâmec gie baekac e maŋticne bawahahuc bazejec, moc e

micne juocte mucnekicko šoqachec juzejec, â moc e jaun gie baocmuzi buafec jaha bazajec.

Wama jaunte dâŋ

⁹ Jaun babac i sahazi sawa mi enšepien. Wiac sâqocnere mamakâc-ŋopazejec â wiac bianŋao qohotanšepien. ¹⁰ Ŋoŋe ââgo fârine junšepien, erâ sâsâsec eniŋte sisiric efârenšepien. ¹¹ Rokac bârokac tâmiric qicwânšâŋhec erâ junšepien. Mârore buŋenġic bâruŋkezejec, ehuc Wofuŋ kiŋaŋ qacnenšepien. ¹² Sambaŋ worickehuc bubiaŋ junšepien, â šâic busâqocko maŋuruc junšepien. Erâ nunumu gie i uruc šuhuc jaha banšepien. ¹³ Anuture mitiŋicfâc hume sereren jupie hone bafic ejarenšepien. Ŋic fisipie afeckerâ hezu hewânen ejarenšepien. ¹⁴ Ŋopa jâpec eŋarenġmu jaŋe jambuŋ-jopanšepien. Micŋenġickonec sâwecdâŋ mâcne, jambuŋdâŋ sawa wahazejec. ¹⁵ Bubiaŋ eniŋmu jaŋe qâtec-joparâ bubiaŋ enšepien, kioniŋmu jaŋe qâtec-joparâ kionšepien. ¹⁶ Maŋŋenġic bâturehuc wiac mocjahare henširiŋnehuc junšepien. Ŋaŋacnere boc mi manapie sâckezejec. ¹⁷ Sâqocnere okac babazuc mi enšepien. Ŋic âgo ejareekac ijaha enšepien. ¹⁸ Ŋicne Ŋicne jaŋehec wamao juju i eene me ŋoŋe hâcne irec hatane âtenšepien. ¹⁹ Âgofâc, kiŋŋenġic ŋaŋac mi batarahuc Wofuŋ kimbeŋ-ticnere biŋe râepie fozejec. Dâŋ šiŋuc hâcne qârenġekicne fokac: “Kiŋ babatara i nore gie, â okacne babazu i no nahac epemu, Wofuŋ e iŋuc mukac.” ²⁰ Ŋoŋe ine šiŋuc enšepien: Râsige nânâre hâmome nânâ gumezemec, opâre hâmome opâ gumezemec. Go iŋuc etecne

mimiehuc šara marane eocmu. ²¹ Sâqocnezi go mi bawahacguzejec. Aricne, go wiac biaņne ehuc sâqocne bawahazemec.

13

Kia gawamaî jaņere dâņ

¹ Njic mâmâc sasawa kia gawamaî jaņere dâņ reņkenšepieņ. Kia gawamaî gie i Anuturaonec. Juraņgopieņ jaņe Anuture michte jurraņgopieņ hâcne. ² Irec moc e kia gawamaî jaņere dâņ qâsuahuc Anuture dâņ qâsuaocmu. Erâ qâsuaniņmu jaņe okacne roniņmu. ³ Ebapaņjic biaņne jaņe kia gawamaî jaņere mi hâwicjopaekac, sâqocne baeņgopieņ jaņe ine hâwicjopaekac. Irec go hâhâwic tâmiric juzo murâ wiac biaņne ezemec. Wiac biaņne etec gore manapie sâckeocmu. ⁴ Kia gawamaî jaņe Anuture kiņaņ qaqa hâcne, ņezicgupie juhâmocmurâ mujarekicne. Go sâqocne bacmuo ine hâwicguzejec, jaņe šika maņgâņ mi bajueņgopieņ. Jaņe Anuture kiņaņ qaqazi sâqocne bapa jaņerao bâbâtiņ gie bahuc okacne jareniņmu. ⁵ Irec dâņjeņic reņkejâmbâņkezo, erâ i okacnere hâhâwicte sawa mâcne, gahacne maņzi tutuc qagarezacte wâc dâņjeņic reņkezemec. ⁶ Jaņe Anutuzi soņaņ gie mujarewec i baeņgopieņte hâcne ņoņe takesi moneņ râeņgopieņ.

Âgo erâ maņjauņ eec ezo

⁷ Eme ņoņe wiac mukicne sâc ejarenšepieņ: Takesi jajarere mukicne jaņe takesi jarenšepieņ, kiņaņ qaqajarere mukicne jaņe kiņaņ

qajarenšepieņ, araņ babajarere mukicne jaņe araņ bajarenšepieņ, sâsâsec-jopare mukicne jaņe sâsec-jopaņšepieņ. ⁸ Wiac omanere tofa bazupie tarazejec, maņjaunte tofa mocjaha babazuc epie tatarane ine mi fokac. Maņjaunhec juekaczi sâcmutâc dâņ reņkekac muzo. ⁹ Sâcmutâc dâņ šinuc mukicne: Nowe ņonâņ ņohe bebehec mi ezepirec, go šika mi qazemec, go fiuc mi rozemec, go andac mi ezemec, sâcmutâc dâņ i erâ gâcne i mâmâc sasawa qâhâckerâ qizecne šinuc mukicne: Gahacnere egareekac sâc ijaha âgogere egarezejec. ¹⁰ Maņjaunhec juocmuzi âgo-ticne sâqocne mi ecneocmu. Irec maņjaunzi sâcmutâc dâņrereņ fârine ekac.

3oaņ qaqačko aimuņ juzo

¹¹ Inuc eniņte muņarekicne ņoņe dameņ širec fuņne mananġopieņ, guņkonec qârerâ faharezo irec šâfo maickekac hâcne. Miti fuņkerâ manambeņ ira bâbâpiaņte dameņ šošoricne fowec, ši ine dameņ qândâņkekac. ¹² Nafe tarazo ekacte hae fureocte furic râekac. Irec dapâcte wiac hetararâ tatamackonec sându maro menâņecko rašizejec. ¹³ 3oaņ qaqačko jujune pectâc junšepeneņ, nâ areņ â tiwâ kadahe me gae wowo â sasec mamakâc me rârâsi â iiriac i mi ezo, aricne. ¹⁴ Wofuņ Jesu Kristo e ņaqi-ņeņic eme rojunšepieņ Erâ sahač-ņeņiczi sasec bâfuazacte mana manahuc jaun bacnenšepieņ.

14

Miti bocjaha me afecne fonâreekaczi mâmâc

Wofun̄te erâ juzo

¹ Mitio gegec bititicne juengopien̄ jaje
 âgo miriñ ejarenšepien̄, ehuc wiac omanere
 memengaru epie mu qâsuac mi ejarenšepien̄.
² Moc e manabâc tâmiric wiac kosa nâekac, moc
 e ine memengaru ehuc monšan̄ sawa nâekac.
³ Irec wiac kosa nâocmuzi âgo-ticne nâ bătâc
 eekac ere maname wawahane mi ezejec, â nâ
 bătâc eocmuzi âgo-ticne wiac kosa nâekac ere
 maname mi sâqorezejec. E Anuture ñic jaha wâc.
⁴ Irec go wemogezi mocte kiñañ qaqa miti babaju-
 ticnere fun̄ne mutec sâckeocmu? E sanan̄keocmu
 me dockeocmu, i Wofun̄-ticnere wiac. Erâ e mi
 dockeocmu, Wofun̄ e sâcne hume keten̄ ecneme
 qin̄ herâ domaocmu. ⁵ Á šoan̄ gie bapare in̄uc
 jaha, moc e wose bătâc eocmu, â moc e maname
 qâfâsâeocmu. Moczi me moczi in̄uc me in̄uc
 ezo murâ mana sanan̄kehuc ezejec. ⁶ Œoan̄ gie
 bapa wose bătâc eekaczi Wofun̄te erâ eekac, â
 nânâ kosa nâekaczi Wofun̄te erâ eekac wâc, ehuc
 Anutu nânâre dan̄ge âzâcneekac. Á nâ bătâc
 eekaczi in̄uc jaha Wofun̄te erâ eekac, ehuc Anutu
 dan̄ge âzâcneekac wâc. ⁷ Nânâcnaonec moczi
 moc e jahacnere mi juekac â e jahacnere mi
 hâmoekac. ⁸ Juju i Wofun̄te juengopeneñ, hâhâmo
 i Wofun̄te hâmoengopeneñ. Irec junan̄mu me
 hâmonan̄mu i Wofun̄tea enan̄mu. ⁹ Irec hâcne
 Kristozi hâmokicne â qâricne mâmâc Wofun̄
 enâreocte hâmorâ wâc qârewec. ¹⁰ Eme go
 wemogezi âgogere dân̄ mutaracmu? Me go
 wemogezi âgogere manatec wawahane eocmu?
 Nânâc mâmâc sasawa Anuture maio fuapene

dârnâñec mutara-nâreocmu. ¹¹ Ziñuc hâcne qâreñkecicne fokac:

“Wofuñzi mukac, no jujâmbânkecopacte ñic ŝeñgoma dienzi henare-fârenŝepieñ â ŝeñgoma micjenjiczi muafecnunŝepieñ.”

¹² Irec nânâc mâmâc sasawa Anuturao fuñne-nâñec munanñte munârekecicne hâcne.

Nânâ qowizi uucmanñte fârine mi eekac

¹³ Irec nânâc dân mumutarac mi enŝepeneñ. Kecŝiñuc ine ezo: Ñoñe âgo gâcne mañ bâsifuc ejarehuc mamana sâqoc bâfua-jarenŝipiñte manabâcko junŝepieñ. ¹⁴ No Wofuñ Jesuhec juekopaczi ŝiñuc mana sananñkecopac: Nânâ i me i nâhuc wâwânâñhec eene mi fokac. Á moc e, wiac kosa nârâ wâwânâñhec ezo, iñuc muhuc sifu nâocmu, e ine jâmbomac wâwânâñhec eocmu.

¹⁵ Go ine âgoge nânâre busâqoc bâfuacnetec manjaun micke-garezo. Âgoge bianñkeocte Kristozi ere wâc hâmwec, go irec manasuhuc âgoge nânâre erâ ba imac mi ecnezemec.

¹⁶ Ñoñe wiac fârine bajunñgopieñ i ñic gâcnezi musoriñkenŝipiñte soñanñkehuc bajunŝepieñ.

¹⁷ Nânâ qowizi Anuturae uucmanñte fârine mi ekac, kiñfâsâc fufua â wama â Tiri Mâroraeonec ŝeri bubianñ izi wiac fârine. ¹⁸ Moc e hata i âtehuc Kristo kiñanñ qacneme e Anutuzi honeme bianñkeocmu â ñic jañe ere manapie sâckeocmu.

¹⁹ Irec hâcne nânâc wama foote â miti mañ sâc fua bâbâriñ eocte hehesanañ enŝepeneñ.

²⁰ Go nânâre erâ Anuturae gie ima mi qazemec. Nânâ qowi i bianñe sasawa, moc e ine, nârâ

manjbâiņ gie bapemu, iņuc manahuc sifu nâme sâqorecneocmu. ²¹ Go âgoge manjbâiņ ecnezicte ere erâ qowi â waiņ opâ qikiņnetec sâckeocmu. ²² Go wiac iņucnere manjâsâcge fokac, i Anuture maio bajutec gahacnao sawa fozejec. Mo e wiac mocte maname sâckeha manjbahac fâfâsâc eme biankeocmu. ²³ Á moc e mana manjahec eipiehuc sifu nâme sâqorecneocmu, e mamasasiņ faio me ekac irec. Wiac i me i mamasasiņ faio mi epene bahacnehec eocmu.

15

Jesure sâcko erâ nâņâcnere mamac sawa mi junšepeneņ

¹ Sanaņheczi gegec dodocne âsi qataņ ejarenšepeneņ, nâņec nâņâcnere mamac mi junšepeneņ. ² Nâņâc âgofâc-nâņec jaņere mamac juhuc biankeniņte â mitio sanaņkeniņte bafic-jopanšepeneņ. ³ Kristo e iņuc jaha e jahacnere mamac mi juwec. Dâņqâreņ moc šiņuc hâcne fokac: “Go musoriņgumbiņ jaņere mumusoriņzi nore faio fekac.” ⁴ Mârâc jaha dâņ mu qâreņ embiņ, i nâņâc mitire fuņne mana-hâmonaņte embiņ, dâņqâreņ izi hâcne basanaņ-nâpohuc baafec-nâpome wiac biņe qanarekicne irec mamac junaņte qâreņkecicne. ⁵ Anutu e babasanaņ â bâbaafec runezi eņareme Jesu Kristore sâko maņ mamasasu mocjaha erâ junšepiņ. ⁶ Ehuc maņņeņic â micņeņic tureme Wofuņ Jesu Kristo ere Anutu â Mamac muteņkenšepiņ.

Maņzi roroc erâ juzo

⁷ Irec hâcne Anuture eri qâreŋ fuaocte Kristozi rocŋopawec iŋuc jaha ŋoŋe maŋzi roroc efârenšepieŋ. ⁸ No kecšiuŋucte ŋazakopac: Anutu e mimiŋnefâc-nâŋec biŋedâŋ mujâmbânkehuc jazawec i fârinehec eocte Kristozi mahec nâŋere kiŋaŋ qaqa ewec. ⁹ Erâ wâc ŋic qâpuc jaŋe Anutu buuruc-ticnere erâ mutenkeniŋte iŋuc ewec. Dâŋqâreŋ šiuŋuc hâcne fokac: “No qâpuc jaŋerao mutenŋuhuc šâŋege mumbiankepemu.” ¹⁰ Erâ dâŋ moc kecšiuŋuc fokac: “Ŋic qâpuc ŋoŋe Anuture fuŋfuŋfâc jaŋehc mu šeri enšepieŋ.” ¹¹ Erâ moc šiuŋuc:

“Qâpuc ŋoŋe šeŋgoma Wofuŋ mucne bacnenšepieŋ,

â ŋicne ŋicne jaŋe e muac baafec ecnenšepieŋ.”

¹² Erâ Jesajazi dâŋ moc šiuŋuc mu qâreŋ ewec:

“Jâctuc Isai gitecne fuarâ
eki qâpuc Wofuŋ ejareocmu;
eme qâpuczi ere mamanac juniŋmu.”

¹³ Ţeŋaŋ rune Anutu e mamanašiŋ-ŋeŋicte bu-biaŋ â wama bâfua-ŋareme Tiri Mârore tâpirio ŋešiŋepie sambânŋ šeŋaŋ-ŋeŋicte manariŋ qârŋiŋ ŋoŋerao fua ŋeiŋ ezejec.

Paulo gie-ticnere dâŋ

¹⁴ Âgofâc-nane, ŋoŋe uruc jaŋuŋ-ŋeŋic fokac â mitire fuŋne i wâc sâcne mana-hâmoŋgopieŋ, irec ŋaŋaczia faŋ qaqaç ezo murâ mi bititiŋiŋmu, i no fuŋne-ŋeŋic iŋuc hâcne mana sanaŋkekopac. ¹⁵ Erâ sifu no Anutuzi miti gie tahacnuwecte dâŋ gâcne i mai qanšaŋ Jaha qâreŋke-ŋarehuc mitire manasu-ŋarekopac. ¹⁶ Jesu Kristo e qâpuc ŋoŋere

miti kiŋaŋŋic râecnuwecte no Anutu Biŋebian-
ticnere taha bapa gie bape Tiri Mârozi maŋfuru
bacŋopame Wofunŋte taha bian enŋepien. ¹⁷ No
Anuture gie baekopac i Jesu Kristore erâ manape
fefene eekac. ¹⁸ Gie i nahackoan wemo-nanezi
bazapo, aricne, Jesu Kristozi nenŋoc ŋenareha
qâpuc jaŋe miti mana reren eniŋte miczi â mezi
gie bapo. ¹⁹ No tâpiri â mâsihec juhuc Tiri
Mâroraonec hâbi rorâ Jerusalem haeonec funkerâ
Kristore Biŋebian mâren râreckehuc muiŋne
rakupe Iliriko ŋ mârenko mickewec. ²⁰ Ehuc
gâcne jaŋere hâsinao bazipore Kristore ŝaŋe biŋe
mi ra fisiwecko furunao ŝocne qapemurâ herâ
wâwânŝaŋneekopac. ²¹ Dâŋqâren ŝiŋuc hâcne
fokac irec sâcko eekopac:

“Dâŋ binaŋ-ticne mi ejarekicne jaŋe e ho-
neniŋmu,
â biŋe-ticne mi manambiŋ jaŋe mamanahec
eniŋmu.”

*Paulo e Roma hae fotâcnerâ Sipei mârenko razo
muwec*

²² No funŋe inucte hâcne ŋoŋerao fâpemurâ
dameŋ sâc quŋkeekopac. ²³ Juwarepo i
ŋoŋerao fâpemurâ maŋzi sawa manahuc
jupo, ŝi ine mâren gâcnao gie-nane tarakacte
²⁴ Sipei mârenko razo ehuc ŋoŋerao fisipemurâ
manasukopac. Fisipe ŋoŋehac saha hâron qaqa
erâ ŋoŋeraonec moc moczi qâtecnuŋie mâmâc
Sipei mârenko ranŝepeneŋ. ²⁵ Dameŋ ŝiŋuczia
ine mitiŋic kiŋaŋ qajarehuc Jerusalem haeo
razo ekopac. ²⁶ Makedonia â Akaia kikefun

jaņe Jerusalem haeonec mitiņic hapetac dopec-jopaniņte afeckerâ mupaņkemiņ. ²⁷ Jaņe buafec-jeņicte iņuc epie sâckewec. Qâpuckonec miti mamana jaņe Jerusalem haeonec mitiņic jaņeraonec miti boreņ rombiņte tofa jaņerao fokac. Eme tofa i hâcne bazu-jareniņte sahackopec wiac jarepie sâckeocmu. ²⁸ Eme mumupaņ-jeņicte fârine fuawec i no nahac bararâ jarepe tarame ņoņerao fotâcnehuc Sipei mâreņko rapemu. ²⁹ Erâ no manakopac, ņoņerao metariņ mi fâpemu, Kristoraonec jambuņ kadahe bafâpemu.

Ere erâ numuniņte qâreņke-Jarewec

³⁰ Âgofâc-nane, no Wofuņ-nâņec Jesu Kristo ere erâ â Mârore Jaunte erâ hazec qâuņ ņazakopac, ņoņe nore erâ Anutu numucnehuc juju gie-nanere baficnuņšepieņ. ³¹ Baficnupie Anutuzi Judaia mâreņko ņic jaņere meonec bataracnuze-jec, â Jerusalem haeonec mitiņic bubiaņ wiac jarepe aņac-jopazejec. ³² Izi šâhec Anutuzi manahame bubiaņko fârâ ņoņerao jumanahuc âke mâteņnuzejec. ³³ Anutu wama rune eki ine ņoņehec jufârezejec. Jâmbomac.

16

Paulo e Roma haeonec ââgo guru jaņere manamac Juwec

¹ ņokac âgo-nâņec Foibe, Keņkerei kikefuņ bafic-jopahuc juekac, e fâ fisime ² ņoņe mitio munârekične irec sâcko Wofuņte erâ hezu hewâneņ ecnenšepieņ. Erâ e irec me irec ecneme

bafickenšepien. Nokac e no nahacne â gâcne mâmâc kiŋaŋ qanârehuc juwec.

³ Erâ Prisika â Aqila, Kristo Jesu gie-ticnere babafic jahec-nane jahe jasanin, mamananac-nane jaherao fokac. ⁴ Jahe hâcne nore erâ sa hac-jekic qaisockezo epicte no sawa mâcne, hae sâc kike-fuŋ nâŋe jahere bubian bajueŋgopenen. ⁵ Jahere ficko mitire tumaŋneenŋopien ñic ñokac i jaŋe wâc mu šeri ejarekopac. Âgo-nane Epaineto, Asia mâreŋ masunao micne barâ Kristonjic ewec, e wâc mu šeri ecnekopac. ⁶ Maria e wâc mu šeri ecnekopac âzâcneniŋ, e ñoŋere erâ gie bocjaha bawec. ⁷ Androniko â Junia, Judanjic âgo jahec-nane, kâpâcwâru mâmâc bacnâpokicne, jaherao mamananac-nane fokac i jasanin. Jahe ñic šâŋe biŋeheczi aposolo jaŋere guruo juhuc, no mâc juhape Kristore miti bânierâ manapic. ⁸ Mitio âgo-nane Ampiliato e wâc mu šeri ecnekopac. ⁹ Urbano, Kristore giere babafic emben, â Sitaki âgo-nane jahe wâc mu šeri ejactekopac i jasanin. ¹⁰ Apele, Kristore ñic fârine, â Aristobulo ere wiacfâc jaŋe mu šeri ejarekopac. ¹¹ Judanjic âgo-nane Herodion erâ Narikiso wiacfâcne gâcne mitio juenŋopien, jaŋerao mamananac-nane fokac. ¹² Nokac jahec Tirifaina â Tirifosa, Wofuŋte erâ gie sâko bapic, â Peasi e inuc jaha Wofuŋte erâ gie paŋšâic bawec, jaŋe mu šeri ejarekopac wâc. ¹³ Wofuŋte bufuŋ Rufu â nenŋoc-ticne, e no wâc nenŋoc enarewec, jaherao mamananac-nane fokac. ¹⁴ Asinjkrito, Filegoŋ, Hereme, Patoroba, Herema â âgofâc-jenjic jaŋe mu šeri ejarefârekopac. ¹⁵ Filologo â ñokac Julia erâ Nereo

â senjicne â Olumpa â miti njic njokac jañehec juñgopien, jañe mãmâc mu řeri ejare-fârekopac. ¹⁶ Njanac wac mitio meo babac enřepien. Hae sâc Kristore kikefuñ jañe ñoñere mamanaç wac juñgopien.

Mitiñic burec burec jañere uñ muwec

¹⁷ Âgofâc, ñoñerao fâfâuc bâfuahuc, miti qazu-ñarekicne i bâsifuckezo eenjopien njic i jañere ruc bahuc dic bajarenřepien. ¹⁸ Njic inuçne jañe Wofuñ Kristo mâce, jañe jañacne hobu kiñañ qacneenjopien. Ehuc mumumbianñ dâñ muhuc njic njokac omane mu bâmiriñ ejarehuc eatuc-jopaenjopien. ¹⁹ Miti mana reren-ñenjicte biñe i hae sâc rafârewec. Eme no irec ñoñere bubianñ manahuc kecřinuç eniñte ñazape: Wiac bianñere mañafec juñřepien â wiac sâqocnere ine mañ ñeñemâc enřepien. ²⁰ Anutu wama rune eki mi řoraha Satañ ro bawaha âte ecneocmu. Wofuñ Jesu Kristo ere aki anonoczi ñoñerao fozejec.

Âgodâñ â jambuñdâñ

²¹ Babafic-nane Timoteo â Judañic âgofâc-nane Lukio â Jasonñ â Sosipate jañe ñoñere mamanaç juñgopien. ²² Teatio no papia ři (Paulore mick-onec(c) qârenkehuc inuç jaha Wofuñte maio ñoñere manasukopac. ²³ Gaio e no â kikefuñ mãmâc sasawa hezu hewâneñ enâreekaczi inuç jaha ñoñere manasukac Erâ hae soñañ Erasto â âgo-nâñec Qâto jahe inuç jaha eñarekopirec, [²⁴ Wofuñ-nâñec Jesu Kristo ere aki anonoczi ñoñerao fotâcnerâ fozejec. Jâmbomac.]

²⁵ Anutu e Biñebianj muekopac â Jesu Kristore dâñ muromackeekopac irec sâcko mamanasinjo keten-ñopaocte tâpiri focnekac. Anutu juju sanan dâñticne hâcne soñne fowarehuc jukume ²⁶ damenj šinuczia ere michte muropiekicne â ñicne ñicne mana rerenj eninje miti papiao bajanjenkekicne. ²⁷ Eme Anutu hâcne, buc manqârânj juekac, erao Jesu Kristore erâ mumutenzi mumutenj hati forasihuc juzejec sanan. Jâmbomac.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-02-09

PDF generated using Haiola and XeLaTeX on 21 Feb 2024 from source files dated 31 Aug 2023

76869875-8293-5126-8b67-c576c145ac3c